

奉天省議會第四屆第二期常年會報告書

附第三次臨時會報告書

奉天省議會第四屆第二期常年會報告書目錄

開會

甲 開會儀式

乙 開會詞

丙 行政長官及各界來賓祝詞

一 交涉署長祝詞

二 高等審檢廳長祝詞

三 教育會長祝詞

丁 本會答詞

議案

甲 議案成績表

一 議案總表

二 省長交議一覽表

三 團體及人民請議一覽表

乙 省長交議案 原案 咨文 公署咨覆

一 交議十三年度省縣保甲預算法案

二 交議十四年度縣地方收支預算法案

丙 代咨團體及人民請議案 原案 咨文 公署咨覆

一 綏中縣馬鍾瑞請議沙荒仿照山荒減價免課歸縣丈放棄案

二 懷德縣公民劉海春等請議撤銷蒙旗地局換照驗契簡章仍沿成例

以舒民困案

公文函牘

甲 關於開會閉會文件

一 咨報省長定於本年十月七日開第四屆第二期常年會請依法召集

在籍各議員如期來會與議並請飭刊公報俾各機關一體知照文

二 致全體各議員如期蒞會與議函

三 請省長蒞會函

四 請各機關首領蒞會函

五 致交涉署轉請各國領事蒞會函

六 咨報省長本會第四屆第二期常年會已於十月十六日舉行開會式
請咨部備案文

七 致各省省議會報告開會日期函

八 咨報省長本會於十二月廿八日依法閉會文

九 致各省省議會報告閉會函

乙 關於議員出缺應另遞補來往函件

一 兆議員文會因病出缺請依法遞補文

二 咨省署爲本會兆議員文會因病出缺請依法遞補文

三 副議長趙鋤非因病逝世請依法遞補以重職務文

四 咨省署爲本會副議長趙鋤非因病逝世請依法遞補以重職務文

丙 關於各省來往函電

表

甲 議長議員姓名年歲籍貫表

乙 議員職務表

丙 各班常駐委員姓名表

丁 秘書廳職員一覽表

奉天省議會第四屆第二期常年會報告書

開會

甲 開會儀式

- 一 午前十一時各議員入議場就席
- 二 招待員引省長及各行政長官並各界來賓入議場就席
- 三 贊禮員報告向國旗行三鞠躬禮在場人員咸行禮如儀
- 四 主席宣告開會並致開會詞
- 五 省長及各行政長官致祝詞
- 六 各界來賓致祝詞
- 七 本會答詞
- 八 攝影
- 九 宣告退席

十 茶會

乙 開會詞

維中華民國十四年十月十六日爲奉天省議會第四屆第二期常年會開會之辰同仁濟濟萃集議場舉行典禮賓從觀成爰爲詞而相勗天視民視天聽民聽民爲邦本本固邦寧維茲議會民之喉舌與國終始綿延弗替當四屆第一期開幕伊始適逢榆塞鋒銷長江孽滅民登衽席重光日月執政馬電主張制定憲法召集國民會議共和精神予以重伸國民主權予以不振丁茲二期常會開幕之期恭逢國憲起草之時選舉國民會議之日真千載一時之良機我同仁所宜急起而振奮者也民有疾苦思所以除之民之福利思所以興之視國如家愛人如己保境安民之謀富國強兵之務雖不能越俎代庖實可以借箸相籌豈曰獨立端賴衆擎發揚民治持危扶傾則一得之愚可獻同舟之誼宜思振我精神盡我職責庶不負代表人民位居神聖不然日月云邁建樹

毫無泄泄齷齪虛與委蛇其將何以對人民選舉之意其將何以對執政望治之心往者不諫來軫方迺欲建繼往開來之業須存福國利民之心勿爲一身謀最大多數最大幸福勿爭私意氣能共和衷能共福利以人民爲心以國家爲心不激不隨必慎必欽國本固而邦審矣我同仁尙其勉旃

丙 行政長官及各界來賓祝詞

一 今日爲

貴會第四屆第二期常年會 鄙人 猥承

簡召得與盛典榮幸何如溯自民國肇建以來各行省禍亂相尋攘爭無已內憂外患此戢彼興獨我東三省兆民安堵百度維新無一非

貴會之碩畫蓋籌有以致之故能感召天和卒獲奉直戰爭勝利之結果從

此民安物阜共樂春臺造福家邦既美且懿 鄙人 忝任外交深叨

教益恭敬桑梓與有榮光謹額手敬祝

貴會萬歲

貴會諸先生健康

交涉署長高清和謹祝

二 高等審檢廳廳長祝詞

懿歟貴會 濟濟羣賢 爲民喉舌 往績昭然

今茲集會 新猷聿宣 造福無極 歷億萬年

奉天高等
審判廳廳長單豫升謹祝
檢察廳檢察長趙梯青

三 奉天省教育會會長祝詞

共和精神 首重民意 政之自出 法於是立

懿我省會 四屆召集 凡所建白 民生國計

奉天省教育會會長馮廣民敬祝

本日開會辱蒙

省長代表暨文武長官與各界來賓聯翩蒞止

寵錫祝詞獎掖備至屬望彌殷名逾乎實慙悚曷似四屆瞬逾一年仍然毫無
建樹惟對於交議請議各案彈精研討務期上符

省長望治之苦衷下遂人民思治之美意第利未能盡興弊未能盡革對內對
外所應建白者尤多材力不逮深自負疚尙冀我

官紳各界邦人君子共抒偉略時錫南針同展嘉謨利溥東省此則同人等所
殷殷盼禱者也謹答

議案

甲 議案成績表

奉天省議會第四屆第二期常年會收集議案數目總表

考 備	總 計	請 議 案	提 議 案	交 議 案	類 別	收 集	可 決	撤 回	否 決	緩 議	未 議
	七	五		二			二				
	四	二						一			
	一	一									
	二	二									

奉天省議會第四屆第二期常年會交議案成績一覽表

可

決

省長交議十三年度省縣保甲預算案

省長交議十四年度縣地方收支預算案

備
以上交議可決者二案

考

奉天省議會第四屆第二期常年會請議案成績一覽表

可

綏中縣馬鍾瑞請議沙荒仿照荒山減價免課歸縣丈放案

懷德縣劉海春等請議撤銷蒙旗地局換照驗契簡章仍沿成例以舒民困案

決

備

計請議案可決者二案

考

撤

瀋陽縣劉長齡等請議爲三陵戶部官地地價太昂請代咨省署核減案

回

備考

計請議案撤回者一案

否

瀋陽縣張筱忱請議商埠局越界收地偽認日人私相餽送請依法提議而維

產權案

西豐縣趙恒新請議已稅戶管被匪焚燬請求議決可否豁免重複稅欸以舒

困累案

決

備

計請議案否決者二案

考

(乙) 省長交議案 原案 咨文 公署咨復

一 交議十三年度省縣保甲預算案

奉天省長公署爲咨行事案查前准

貴會咨開案據省議會暫行法第十六條第二項有議決本省預算及決算職權查十三年度省縣保甲預算迄未送會審議相應咨請貴公署轉飭保甲總所速將十三年省縣保甲預算書起即送交本會以便彙議至所有決算併應早日造送審查以重公款而符會法等因准此當經令行保甲總辦公所遵辦去後旋據分別造送前來覆經發交財政廳詳細復核在案茲據該廳復稱查保甲公所預算書列各數與呈准原案相符應准照支其各縣預算列數既經該公所往返駁詰審核妥協自無不合併應准予照編除轉咨並將原書存查外理合報請鑒核等情據此除指令外相應檢同原送預算書咨請

查照分別審議見復爲荷此咨

奉天省議會

計預算書五十七本

東三省巡閱使

奉天督軍
兼省長

張作霖

奉天財政廳廳長王永江代

中華民國十四年十月三十一日

奉天省議會爲咨行事前准

貴公署咨交十三年度省縣保甲經費預算冊五十七本到會請查照審議等因爰於十二月二日正會提出討論僉謂保甲增加經費未經本會議決自無審查必要但際此多事之秋保衛地方不爲無補應暫予照辦茲經審查十三年度省縣保甲預算冊列總辦公所總辦月俸四百元公費月支一百元總辦一席現由警務處長兼充應支半薪設視察員十名額數過多應令裁減四名又列參事車馬費月支四百元此項員額等於虛設應予裁減其辦公費欄內所列紙張郵電

各費爲數較多亦應核減再各縣歲收保甲經費各按十分之一解省約計共解小洋二十二萬七千余元除保甲總辦公所年支小洋八萬三千六百余元外淨應贏余小洋十四萬余元擬令各縣自十五年一月起按百分之五解省余數留作地方籌辦實業及擴充教育之用又查縣保甲預算冊列保甲所長均有月俸如歸警察所長兼充者應支半薪所有一切公費並員書等亦應一律核減至昌圖縣保甲經費冊載七里界僅有支出而無收入是否遺漏應令聲明當經表決通過相應咨請

貴公署查照施行此咨

奉天省長公署

中華民國十五年壹月七日

二 交議十四年度地方收支預算案

奉天省長公署爲咨行事案據財政廳長呈稱案查本廳前以各縣地方預算必

須先期編造以免臨時貽悞所有各該縣十四年度地方收支預算書關於警學公款處等各項經費應查照本廳核准十三年預算範圍妥爲分配可減者切實刪減宜增者須指定的款始可酌量增添總宜悉心計畫量入爲出並於備考內註明理由俾便審查至於上年預算數以及比較增減各欄仍照上年辦法暫予從缺等因通令各縣遵照去後嗣據編送且有當時遺漏各款續請追加到廳凡關於警學支出均先檢原書分別送經警務處及教育廳核覆後始由本廳照核定數編列其關於財務實業特別等經臨各費悉由本廳斟酌各該縣地方情形及財政狀況量予准駁總以事歸實際欸不虛糜爲標準至書內上年數與比較增減各欄本廳皆依照議決十三年度預算逐一代填茲已分別核編妥洽惟因種種關係各縣所送原書多有塗改而篇幅浩繁若另行繕清非特有時日抑且徒耗物力應請先以原書草案提交省議會審查一俟議決後再行另繕呈送鈞署備案以期簡捷理合檢同原書五十六本呈請鑒核轉咨省議會審議公決

計預算書五十六本等情據此除指令外相應檢同原書咨行

貴會請煩查照審議施行此咨

奉天省議會

計送預算書五十六本

東三省巡閱使

奉天督軍
兼省長

張作霖

財政廳廳長王永江代

中華民國十四年十一月十日

奉天省議會爲咨覆事前准

貴公署咨交十四年度縣地方預算冊五十六本請查照審議等因到會爰於十二月二日正會提出討論僉謂十四年度縣地方預算詳核新民縣收入總額年達三十餘萬元以警六學四成例計算教育經費應佔十二萬元之譜今僅列七萬元相差較遠所餘之五萬餘元當然純係教育經費自應催收陳欠擴充教育

以符成例彰武縣全年收入共十二萬三千四百餘元應支教育經費當在四萬餘元而該縣僅列二萬八千一百餘元未免不合應令撥還以重教育錦西縣屠宰肉捐兩項年僅收小洋五千餘元錦縣屠宰肉捐兩項年僅收小洋萬元例之各縣收數未免太少應令嚴行整頓以裕收入昌圖縣十四年度預算與十三年度比較各項支出增加甚鉅約計不敷洋一萬三千餘元未經聲叙如何彌補應令該縣對於支出切實核減對於收入力爲整頓以期收支相抵又查遼中縣地瀕遼渾汰蒲四河台安居遼柳兩河之間歷年防患均以修堤築壩爲保障其各該縣農會負辦理堤壩專責而冊列經費計共月支不過百元事繁款少難資應用應令各該縣由贏餘項下自十五年一月起酌撥的款督修堤壩以專責成而弭水患再寬甸縣警察教練所年列六百餘元業經審查十三年度預算時代爲削去而十四年度以關警察知識又復列入惟查該縣教練所迄未成立仍應核減以符前議其餘瀋陽等四十八縣預算冊載支出收入無大懸殊均准成立當

經表決通過相應咨請

貴公署查照施行此咨

奉天省長公署

附核減各縣預算冊五十六本

中華民國十五年四月九日

(丙) 代咨團體及人民請議案 原案 咨文 公署咨覆

一 綏中縣公民馬鍾瑞爲請議沙荒仿照山荒減價免課歸縣丈放案

綏中縣公民馬鍾瑞爲請議沙荒仿照山荒減價免課歸縣丈放事竊維振興實業首重森林而森林之盛衰端賴爲民上者之提倡之是否得法耳查我東省河流雜錯沿岸沙荒觸目皆是倘能提倡得法將見二十年後兩岸楊柳無不綠蔭成林何其休哉所以上年我

省長洞鑒及此曾令各縣將山荒沙荒任人報領每畝僅大洋壹角概不起課法

至良意至美也曾幾何時而清丈局乃收歸省丈每畝增價大洋壹元且令按年起課此令一下致令後報者無不畏意退縮殊爲可惜伏查綏邑河流沙荒均屬沙石不堪耕種迥非新遼各縣河淤可比若照熟地按年起課試問熟地一年一秋森林至速尙須二十年後始有收穫今年封明年亦封農民實力幾何恐不到林業有成而己不堪問矣况我東省向稱富庶何惜此區區課賦致令大好沙荒利棄於地知者恐不爲也今值我

大會興利除弊舉凡實業無不設法振興故敢不揣冒昧爲此上書懇請
議決通過咨請

省長允准仿照山荒一律減價免課歸縣丈放實爲公便敬請

議安

中華民國十四年十月 日

請議人綏中公民馬鍾瑞

奉天省議會爲咨行事 本會 依省議暫行會法第十六條第八項之規定受理綏中縣公民馬鍾瑞請議沙荒仿照荒山繳價展限起課一案爰於十二月二日正會提出討論僉謂查綏中縣河淤沙荒沙石積疊不堪耕種若培植森林猶須二十年後方克獲利倘照清丈局所定報領費每畝大洋一元並令逐年起課微特人民無力承領抑非提倡森林之道惟嫌展期過長有碍課賦茲將展限十年改爲六年仿照荒山辦法用舒民困業經表決通過相應照抄原請議書咨請貴公署查照施行此咨

奉天省長公署

附抄原請議書一件

中華民國十四年十二月十五日

奉天省長公署爲咨行事案查前准貴會咨以受理綏中縣公民馬鍾瑞請議將沙荒起課年限改爲六年并仿照荒山辦法一案當經令據清丈局核議復稱爲

遵令沙荒仍照局章辦理覆祈鑒核事案奉鈞署令開准省議會咨以受理綏中縣公民馬鍾瑞爲請議沙荒一案請將起課年限改爲六年並仿照荒山辦法用舒民困轉飭仍照局章辦理具報等因遵查沙荒改按荒山免價辦法放領以資植樹前據綏中縣呈請到局業經指駁在案誠以荒山純粹不堪耕種舍培植森林別無利用所以原定辦法不特減價引其報領之心而且永遠免賦寬其後來之累沙荒並非絕對不堪耕種雖有沙石夾雜之處亦不乏泥淤肥沃之區當然不能與荒山相提並論自應仍照改訂各種官荒章程第二條收價如果該荒確係瘠薄不堪由局查明尙可改按減半收價並非別無變通地步又官荒章程第七條載各項生荒應於領後第五年墾熟起科施行已久省議會主張改爲六年只差一年尤無再事紛更之必要奉令前因理合備文呈覆鑒核等情據此除指令如議辦理外相應咨覆查照此咨

奉天省議會

東三省巡閱使

奉天督軍
兼省長

張作霖

財政廳廳長王永江代

二 懷德縣公民代表劉海春等爲請議撤銷蒙旗地局換照驗契簡章仍沿成例以舒民困案

爲請議撤銷蒙旗地局換照驗契簡章仍沿成例以舒民困事竊以人民爲立國之本土地爲養民之源懷德土地本屬蒙王旗荒於清道光初年開放由民備價領地雖係永佃之名究屬民置之產一面由局發照由局徵租歷來成例相安已久一面在縣署驗契在登記所登記民國新章歷辦在案不意近有昌圖縣會訂博旗另擬換照驗契簡章呈請通令蒙旗各縣辦顯係假借名目破壞成例大違民意碍難遵循在

省政府不過俯從片面之請求而未深悉夫成例在人民祇願率由夫舊章而懼過甚之誅求爲此事體重大窒碍實多民困已極碍難緘默謹將換照驗契簡章

十六條撮其大旨約爲數端請爲

貴會縷晰陳之

- 一 曰清經界也查懷德於道光初年開放蒙荒由人民出錢買歸私有雖名佃戶實係血產此人民土地所有權所由來也是以人民處分田產統係自由買賣由賣主書立兌契交與買主爲據註明寬長繩弓合成畝數價值若干四至由地鄰指界署名畫押又有地媒中見作證方爲有效兌契以白紙書之名曰白契執此白契到地局更名換照名曰紅契此懷德歷來之定例也由是以觀是孰花錢孰置地權利焉能游移既有地即有四鄰經界何能混亂如曰紅契未載四至是地局不照白契填於紅契之上非民地白契上無四至也查同治年間之紅契尙有書四至者即今地局紅契上仍有計開四至字樣可爲鐵證然則該簡章所謂清厘經界確定權利者不過假借名目朦混列憲以掩其斂財之迹耳
- 一 曰取保證也查白契之上從末有不書四至者今則白契上地鄰所指之四

至不足憑而取證於村正豈以地鄰爲私人村正是法人乎果如是則光緒年間之白契有鄉約保正署名者民國以來之登記有百家長作證者較之村正有何異乎人民自由置產豈容絲毫朦混天下有花錢若干而甘願置四無着落之地者乎天下有四至不清而能署名賣地者乎必如該簡章所規定則手續繁雜耗財需時人民之苦不待言矣

一 曰取契費也查該簡章換劈執照有費特別執照有費註冊驗契有費而以按畝分級用遞進法計算之契費爲最重查懷德歷年以來所有徵兵徵車徵馬徵糧徵草以及恤金等項俱各出自民間擔負不爲不重若乘此脂膏竭盡之餘復益以註冊換照劈照驗契花費等項民之困苦何堪設想倘再有軍需何以供應與其竭澤而漁何如稍留有餘以備異日軍需之用乎

且如該簡章規定與法令抵觸者一查自民國肇造以來將前清時地局所發之紅契均行由縣署粘貼新契紙名曰驗契又將前清明時所立之白契上每段地

之四至由百家長鑒定四鄰出具指押證明無訛請求註冊名曰登記蓋粘新契紙所以表示民國之維新而每段地由百家長四鄰鑒證註冊者亦所以杜絕訟端也今該簡章規定不曰百家長而指爲村正矣不曰新契紙而變名爲特別契紙矣此所謂換湯不換藥也況自施行區村制以來凡買賣地者雙方執契到村正處鑒定簽章復呈區長鑒核簽章方爲有效從前之法令是則今之所規定非今之規定是則從前之法非即令今昔皆是則又疊規重矩矣朝三暮四徒事紛更民安所措手

如簡章所規定與事實抵觸者一查懷德民有地契有自光緒年間立者有自治年間立者更有自咸豐道光年間立者彼時之四至今則不知變更幾許矣今果由地局分劈換照將以現在之四鄰填之則與原立白契不符將以原註之四鄰填之又與事實不合是千古有不動之土田斷無不變之四至也必欲改絃更張則千家萬戶之糾紛從此起矣

如簡章所規定與人情抵觸者又一大凡安常習故民之性也事取便利人之情也是以懷德民有地契每有一契載地數段而每寬長丈尺四至地鄰均分書於一紙白契之內並非有混雜不清之弊不過於一契之內分載明晰取其便利耳今必於一段之地劈照一紙又經若干之手續勢勢必添出許多之滋擾地有主而固定人孰樂而出此設如遷延不換又定以隱匿之罪處以違令之罰是小民有數畝土田負有若干大罪名矣王道不外人情立法難違民意今該簡章規定竟不計民之困難民之慣習向來之成例而假法令以迫之設規章以威之幾何不以民爲魚肉也

抑更有請者查懷德蒙局放荒之初即將河泡水窪沙包城片與一切墳墓廬舍暨不堪耕種之地作爲折扣以示寬大復恐辦地局事務者任意變更於地局所發契紙之上載明折扣並填永不增租奪佃字樣以杜流弊此百餘年來之定章也乃今各地局復籍加荒浮多時有糾葛爲詞急欲將從前作爲折扣定章全行

破壞按畝加租不但與契照上永不增租大相抵觸且與該簡章規定租課仍循舊例一語亦相矛盾是藉清釐爲名而實施苛斂也

以上各條悉本該簡章各條之要旨加以詳細之說明至於懷德地局歷來之成例與該簡章大致不差者不復陳述除將懷德縣公署布告與換照驗契簡章粘附呈

閱外所有請議換照驗契劈照一律統希免行並請將原有折扣不得變更以符舊例各理由理合具書上請

貴會公議表決如蒙通過即乞咨請

省長令行昌圖等蒙旗六縣遵照不勝屏營待命之至謹上

奉天省議會公鑒

計附呈布告簡章各一件

懷德縣公民代表 劉海春
杜輝

懷德縣鄉老

王樹千
于子彬

中華民國十四年十一月

日

懷德縣公署布告 第

爲布告事案奉

號

奉天財政廳訓令內開案奉

省長指令據昌圖縣呈爲會訂博旗換照驗契簡章並改正簽呈一案內開呈悉所擬博旗換照驗契辦法係爲清釐經界確定權利起見與該旗會訂簡章並據簽呈分別改正查簡章有應行更正之處已改妥協應即照辦至加荒浮多既有糾葛應如何清理仰會旗妥擬辦法呈奪並仰財政廳查照暨轉咨初高等審判廳洮昌道查照至前項辦法梨懷遼康各縣皆宜一律仿行並由該管道尹飭縣妥爲接洽擬辦具報簽呈暨附件均抄發此令等因奉此查此項蒙地驗契從前辦法不論地畝多寡但按新契紙張數收費殊爲偏枯茲據昌圖縣呈擬以遞進

法按照地數多寡分別收費自較平允現奉

省署核定專章自遵照由縣辦理嗣後昌圖懷德梨樹遼源康平雙山等六縣驗契即毋須再由法廳粘發新契紙以歸一律除俟特別契紙由廳印就分發蒙地各縣遵辦並分咨高等廳洮昌道尹查照外合行照抄簡章契紙此令仰該縣知事即便遵照此令計發抄件等因奉此查此次奉令會同地局換照貼契是爲清理界址確定權利起見因從前蒙局發出執照均未載明四至相沿日久以致界限不清因之訟端即起鄉民耗財需時爲害匪淺現在縣署及地局組織聯合事務所換照貼契另安四至杜絕流弊免除後患實爲最善良法限定三個月辦竣本縣聯合事務所業已成立定於九月一日即舊歷七月十四日開辦民間應用結紙已由本署印製多份分發各區長轉發村長副發交民戶將地內四至註明邀同地鄰并村長副署名蓋章或畫指押以資證明連同照紙一併送由聯合事務所查驗更換所有應納各費均有定章不准浮收凡爾人民務須明白大體遵

照定章在限期內趕緊將照換清粘驗特別新契紙固定利權免人侵蝕如若遷延觀望希圖隱匿逾限查出照章罰辦合將簡章列後布告週知其各凜遵勿違切切特布

計開

換照驗契簡章

第一條 本簡章以清厘經界確定權利爲宗旨

第二條 爲謀換照驗契便利起見縣署與地局得組設聯合事務所其地址另指定之

第三條 漢蒙民佃墾種王旗土地應取具四鄰保証赴管轄聯合事務所報明畝數及坐落四至請求註冊並填發執照

第四條 王旗各地局以前發出之執照未載明四至者由佃戶自行取具四鄰保証經本管村長副鑒定持同舊照赴局繳驗補填四至但地鄰暨村

長副等鑒定不實者以詐欺共犯論如佃戶爲取巧計一照內填載數段坐落致界限不清者得分段劈照詳填四至以免糾紛

第五條 民佃承種之地畝遇有分劈轉移時應持原領之執照赴局請求更名
註冊換照

第六條 凡領有地局執照者無論蒙人漢人應一律持照赴縣報明註冊照章
驗粘特別契紙其有隱匿不粘特別契紙以後發生訴訟不予保護

第七條 七里界蒙人酌留之生計地由地局另刊特種執照同時更換

第八條 七里界蒙人酌留之生計地凡私人互相締約剖兌者無論蒙人漢人均應將原有之契約呈繳地局查驗註冊換給特種執照并依第六條之規定粘驗特別契紙但租課仍循舊例

第九條 蒙人酌留之生計地未出兌者適用前條領照驗契之規定一律施行
第十條 依第五第八兩條驗照換照之期間以三個月爲限逾限除按第十二

條加收照費外並照違令處罰

第十一條

在前條定限以內換劈執照及領特種執照者每一張照地局方面謹收註冊費大洋一角執照工本大洋一角以示體恤

第十二條

換照限滿後佃戶依第三第五第八第九各條領照換照者地局方面註冊及照費仍按 省公署核准之通例征收之此後凡有漢蒙人民換照領照之事均須會縣署辦理

第十三條

契費按畝分級用遞進法計算例如照面載入之地畝在一天以下者收契費大洋五角在五天地以下者收費一元五天地以上者不滿十天者收費二元五角十天地以上收費四元十五天地以上收費五元五角二十天地以上每增地五天遞加收大洋一元五角零星之數不滿五天者以五天計算並收註冊費一角前項契費除提給蒙局五成外其餘五成彙解財政廳核收其從前由法廳所發新

契紙仍准作爲有效但須送縣查驗只收註冊費一角以示區別

第十四條 凡以前頒行之規則有與本簡章相抵觸者概作無效

第十五條 本簡章如有未盡事宜得隨時由縣署地局會同修改呈省公署備

案

第十六條 本簡章自公布之日施行

中華民國十四年八月十四日

奉天省議會爲咨行事 本會 依省議會暫行法第十六條第八項之規定受理懷

德縣公民劉海春等請議爲撤銷蒙旗地局換照驗契簡章仍沿成例以舒民困

一案爰於十二月二日正會提出討論僉謂查蒙王旂荒既經人民備價承領惟

係永佃之名究屬民置之產換照驗契向有定章詎該縣地局另擬新章名爲清

厘實則苛斂不但破壞成例抑且重苦吾民且該旂換照驗契簡章理由雖間有

可採事實終違反民意請議理由尙屬正當應予代咨業經表決通過相應照抄

原請議書咨請

貴公署查照施行此咨

奉天省長公署

附抄原請議書一件

中華民國十四年十二月十五日

奉天省長公署爲咨覆事

案准

貴會咨開受理懷德縣公民劉海春等請議撤銷蒙旗地局換照驗契簡章仍沿成例以舒民困一案業經表決通過咨請查照施行等因准此查此案前據該民劉海春來署具呈當以此項換照驗契章程係爲清釐經界確定權利而設蒙地各縣一律施行並無異議獨該民出首反抗顯係藉詞阻撓斷難照准等因批示在案至原請議書所稱蒙局取銷折扣一節前准達旗咨呈到署業經令據財政

廳核明以早年出放達旗荒段原爲借地養民招墾實邊故有扣出窪地之規定
現在此項折扣地畝既已變爲膏腴一律墾齊民戶亦按畝收益自應按畝輸將
以昭實核而重租賦等情呈經令准分行亦在案准咨前因除令財政廳查照外
相應咨覆
查照此咨
奉天省議會

東三省巡閱使 奉天督軍兼省長 張作霖

財政廳長王永江代

中華民國十五年一月二十三日

公文函牘

甲 關於開會閉會文件

一 咨報省長定於本年十月七日開第四屆第二期常年會請依法召集在

籍各議員如期來會與議並請飭刊公報俾各機關一體知照文

奉天省議會爲咨行事查省議會暫行法第二十二條載省議會常年會每年一次由行政長官召集之等茲經本會議決定於本年十月七日開第四屆第二期常年會相應咨請

貴省長依法召集在籍各議員如期到會以便開議實紉公誼此咨
奉天省長王

中華民國十四年九月二十六日

二 致全體議員如期蒞會與議函

逕啟者本會定於十月七日開第四屆第二期常年會除咨請省長依法召集外應請

台端屆期蒞會爲盼此致

先生

中華民國十四年九月二十六日

三 請省長蒞會函

敬啟者 本會定於十月十六日上午十一時舉行第四屆第二期常年會
開會式除咨報並分函外相應函請

貴省長屆時

賁臨藉承

指示以襄盛典無任盼禱專肅敬頌

政祺

中華民國十四年十月

日

四 請各機關首領蒞會函

敬啟者 本會第四屆第二期常年會定於十月十六日上午十一時舉行
開會式除登報公布外用持檢同開會議式單函請

貴 屆時

賁臨藉承

指示不勝盼禱專肅敬頌

政 勳祺此致

計送開會儀式單九份

應致函之各機關首領如左

政務廳廳長 交涉署署長

財政廳廳長 清丈局 總辦

實業廳廳長 高等 審判廳廳長
檢察廳檢察長

教育廳廳長 東北邊防督辦

警務處處長

中華民國十四年十月 日

五 致交涉署轉請各國領事蒞會函

逕啓者 本會 第四屆第二期常年會定於十月十六日上午十一時舉行開會式除請

貴署長屆時蒞會外用特檢同開會儀式單暨參觀券 份函請分神轉送各國領事屆時來會以光盛典而篤邦交無任盼禱之至專布順頌公綏此致

奉天交涉署

計送開會儀式單暨參觀券各四份

中華民國十四年十月 日

六 咨報省長本會第四屆第二期常年會已於十月十六日舉行開會式請

咨部備案文

奉天省議會爲咨報事案查 本會 定於本年十月七日召集第四屆第二

期常年會業經咨行在案茲經談話會解決定於十月十六日舉行開會
式相應咨請

查照備案至紉公誼此咨

奉天省長公署

中華民國十四年十月

日

七 致各省省議會報告開會日期函

逕啓者 本會 第四屆第二期常年會定於十月十六日舉行開會式除咨
報並分函外特此奉聞此致

各省省議會

中華民國十四年十月

日

八 咨報省長本會於十二月二十八日依法閉會文

奉天省議會爲咨報事查省議會暫行法第二十三條載常年會會期以

六十日爲率其有必須連續開議者得延長會期二十日以內等語本會第四屆第二期常年會自本年十月十六日開會扣至十二月十六日會期屆滿祇因議案多有未決經大會表決延長十四日茲屆期滿自應依法如期閉會相應咨報

貴公署查照備案此咨

奉天省長公署

中華民國十四年十二月

日

九 致各省省議會報告閉會函

逕啓者本會第四屆第二期常年會業於本年十二月十六日會期屆滿祇因議案多有未決經大會表決通過延長十四日茲屆期滿自應依法閉會除咨報並分函外特此奉聞此致

各省省議會

中華民國十四年十二月

日

乙 關於議員出缺應另遞補來往函件

一 咨省公署爲本會兆議員文會因病出缺請依法遞補文

奉天省議會爲咨行事查

本會

瀋陽縣議員兆文會於七月二十七日因

病出缺所遺之缺未便虛懸自應按照省議會暫行法第七條之規定咨

請

貴公署令行該選舉區監督轉知候補當選人依法遞補並促該員早日到會以重職務至綢公誼此咨

奉天省長公署

中華民國十四年八月

日

二 咨省公署爲本會副議長趙鋤非因病逝世請依法遞補以重職務文

奉天省議會爲咨行事查

本會

副議長趙鋤非係由梨樹縣議員當選茲

於十月十二日因病逝世所遺議員之缺未便虛懸自應按照省議會暫行法第七條之規定咨請

貴公署令行該選舉區監督轉知候補當選人依法遞補並促該員早日到會以重職務至紉公誼此咨

奉天省長公署

中華民國十四年十月 日

丙 關於各省來往函電

一 中華民國全國省議會聯合會致本會爲關稅會議問題代電

各省省議會各法團各報館鈞鑒頃本會關稅會議事上段執政一電其文曰竊維關稅自主爲國家重要之主權亦國際共通之原則而吾國關稅自馬凱條約而後受國際之束縛致國內經濟不能發展影響凡百政治爲之隳弛茲者依據華會條約召集關稅會議夫華府會議以公理爲衡故所訂各國對於中國事件

應適用各原則及政策之條約其第一條第一項即爲尊重中國之主權與獨立暨領土與行政之完整依此而論則凡屬其他關於中國之任何締約無論爲一國與一國或多國與一國亦無論爲在華府會議以前或在華府會議以後悉應審量其是否適合於此項條約第一條之原則以爲存廢之標準所以尊重華府會議之威信亦所以保持世界人類之和平也關稅條約僅屬各國與中國締約之一種同時簽訂於華府會議尤當首先服從前項原則以昭將來核其內容大致係規定關稅自主以前過渡之辦法尙未背離原則之精神故我國對於關稅特會祇可認爲商權關稅自主過渡辦法之會議如規定實行自主之時期與過渡增加之稅率並其他應行籌備之手續不妨以公布方式酌提於會議至將來稅率如何規定則絕對無提出協商之必要但我國可懇切聲明自主稅率當以各國通例爲標準此應陳明者一開議之始應以根據華約原則規定自主過渡辦法列爲第一案在自主過渡辦法未經規定以前不得提議其他問題此應陳

明者二各國對於規定自主辦法問題如有藉端延諉故持異議者我國應即宣告休會以待交涉請勿委曲求全致貽國羞此應陳明者三至關稅自主以前暫先增加之稅率應請按照本國最近經濟狀況與社會需要折衷規定以祛一切之束縛此應陳明者四我關提案措詞悉應採取公布的性質力避協商的方式以示自主之先聲而免外人之乘隙此應陳明者五徵會爲全國民意所寄義難緘默上陳各端業經提出會議一致贊成除通電全國並推定代表沈鈞業周乃文分謁外交財政各部面陳一切外謹特電陳伏乞鈞座俯納輿情迅令外財各部與參預關稅會議委員遵照辦理以維國權而慰民望無任迫切待命之至等語特電奉聞中華民國全國省議會聯合會三十一印

一 外財兩長與省會聯合會代表 關於關稅會議問題之商榷

全國省議會聯合會推舉代表沈鈞業周乃文分謁外交沈總長財政李總長商榷關稅會議問題昨經沈李兩總長分別函邀談話沈周兩代表提出問題如下

關稅會議內關經濟命脈外繫稅則主權全國人民羣起注意其主張不外兩派

(甲)絕對的反對開會謂關稅自主世界公例特會一經召集即開永遠協定之成例(乙)相對的贊成開會但須以關稅自主爲前提兩派雖各執一見而關稅自主已成全國一致之主張則政府此次毅然召集(一)是否以關稅自主爲主題抑或以增加稅率爲目的(二)各國政府接到通知是否能一律派員遵期與會(三)各國政府對於中國關稅自主有無表示(四)如各國代表拒絕討論關稅自主問題或用其他方法牽制不使解決則政府擬如何對付有無準備(五)外傳政府擬打破一二五限制有無此說(六)對於廢除厘金有無確切辦法當經沈李兩總長答稱關稅自主係主義關稅會議係手續手續不備主義何從貫徹中國簽訂華府締約當經宣言並無放棄關稅自主之意各國亦承認保留故政府擬利用召集特會藉以重行討論自主問題業已鄭重聲明於請柬中矣在請柬未發以前一般意圖破壞者宣傳我國如爭得關稅自主便可任意增加稅

率百分之五六十各國聞之確甚懷疑旋經一再說明中國實行關稅自主必當探照各國通例規定稅率決無特異增高之意迨請柬頒發各國見立辭誠摯據理正當皆爲之釋然美法意比丹各國駐華公使首先答復贊同並知代表人員均已內定其在締約以外之各國亦紛紛請予參加即以關係較重之英日而論日本鑒於我國財政之拮据外債之鉅大不以關稅補救永無整理希望於債權各國亦屬無益且民氣膨脹倘遏予拒絕勢必引起暴力抗爭殊非所以力謀中日親善維持東方商業之道對於請柬之範圍已表示充分之諒解則英國見大勢所趨亦不得不一致贊同故據各國駐華公使之表示與我國駐外各公使之報告觀察特會前途進行當可順利萬一各國有特異議政府自當奮爭到底至少限度須辦到在民六頒布之國定稅率範圍以內得自由增減以維主權至加稅一二、五問題亦擬同時並論華府締約原定簽訂三個月後即行召集關稅會議嗣以法國爭執金案梗阻不行致稽延至三年之久馬凱條約訂於一九〇

二。三年迄今亦有二十餘載國家經濟狀況與社會生計情形皆已今非昔比所謂一二。五稅率當然不能適用各國希望關稅特會之結果俾中國得有整理外債之餘方則亦非打破一二。五之限制不足以資支配惟裁厘與加稅具有聯帶關係但裁釐加稅與加稅裁釐先後之間大有區別政府擬力主同時並行至抵補辦法查全國釐金約計六千萬元政府擬先發行免釐公債三千萬元由中外銀行團各半認銷該款交付滬粵津漢四大埠銀行公會負責保管自實行裁釐日起每月按照各該省所應得之厘金即由公會就近分別劃撥抵候之適足以敷半年之應用此後即將加稅收入抵補厘金擬通令全國各關將每月稅收悉數撥解各該省財廳不敷之數另由海關劃撥中央並擬聲明一旦不予接濟各省得隨時自行恢復釐金照此辦法其始債券既得外國銀行之分銷債款復得銀行公會之保管平時抵補既有常關稅收之截留停撥又有恢復厘金之准許重重保障想各省軍民長官無不樂從所慮一般以辦厘金爲生活者或

以危詞聳聽從中梗阻全賴人民起而督促故擬頒令各省由軍民長官省議會與地方方法團合組董事會以資督促裁釐稽核用途云云沈周兩代表當以提出主張(一)應諸政府對於關稅會議向中外鄭重聲明以討論關稅自主爲主題(二)各國對於中國關稅自主如有拒絕討論或藉端牽制情事應請政府隨即宣告休會以待交涉審願犧牲一切亦所不惜(三)會議情形應請隨時公布人民俾資考慮(四)人民主張應請尊重沈李兩總長均予容納沈周兩代表遂興辭而歸

二 各省區農會聯合會致本會爲關稅問題乞聯電中央一致主張代電

各省區省議會各法團各報館暨全國父老兄弟均鑒關稅一項關係國家財政社會經濟我國收回海關及國定稅率之主權揆之世界公理實爲正當適宜之舉按之華盛頓九國協定第一條第一項聲明尊重中國主權之精神亦爲各國所共認自主根本早已成立此次召集關稅特別會議討論範圍祇可協商關稅

自主過渡辦法自主根本問題毋待磋商苟各國對於根本問題有所異議則其他裁厘附加等辦法實無協議之餘地我國政府應本此主旨以與各國出席代表周旋而全國人民亦當奉此主旨爲國家力爭主權之後盾不可稍予遷就致喪國權本會有代表全國農民之職責除電呈執政外務乞各界聯電中央一致主張是所至禱各省區農會聯合會叩勸

三 湖南省議會致本會爲關稅問題務希一致主張廢除協定之惡例代電

北京全國省議會聯合會各省省議會各公法團均鑒關稅會議開幕在即稅權所在關係國權查世界獨立國家關稅無不自定惟被保護國乃有協定之舉我國通商以來百分抽五稅率一則由有清不諳外交一則爲各國強權所劫持輸出倍于輸入以致工業不振商業日竭苛商病民無可蘇息既無自主之權等于保護之國創深至痛言之寒心曩者華會有修改之約章我國有保留自舉之聲請成案具在應由當局援以力爭彼時七五之議出於片面此次會議如我仍不

自主協定作爲七十二是我中華民國淪于萬世不起務希一致主張廢除協定之惡例稅率由我自訂國家幸甚臨電迫切佇候明教湖南省議會叩銑印

四 湖南省議會致本會爲五卅慘案望各省一致主張收回領事裁判權代電各省議會各公法團均鑒五卅慘案英人以槍轟擊我市民手無武器傷從後入事實昭彰無可諱匿在刑法上謂之現行犯六月初旬六國委員調查於前同月十一日由英政府組織之會審公廨將被押之同胞判決無罪於後而英美日三國委員重查宣言爲司法上之手續揆厥用意一則遷延時日藉以淹滅證據二則蔑視我國居然在我領土內開庭審判較之領事裁判權更進一步侵害我法權侮辱我國體此例一開不特不能收回領事裁判權並奪我普通裁判權矣興言及此國何以立外侮頻仍誓死不能承認用特宣言望各省一致主張臨電悽愴佇候明教湖南省議會叩銑印

五 湖南省議會致本會爲滬漢餘痛猶存廣州慘劇重演

此種行爲至再至三務望國人速息內爭同心禦侮電

各省軍民長官各省議會各公法團均鑒接廣州胡省長電敬悉粵中各界因滬案激於義憤爲最文明之遊行運動行至沙基忽被沙面英人以機關槍步槍向隔河轟擊死傷至百數十人之多慘無人道至于此極滬漢餘痛猶存廣洲慘劇重演稍有血氣於此種狼毒行爲皆當視爲公敵矧吾國身受其禍至再至三是而可忍何以圖存務望國人速息內爭同心禦侮本匹夫不可奪之志爲中國招未死之魂以有秩序之運動發揚我民族之精神以最公平之主張引起友邦之正論倘彼方仍無覺悟義當聚四萬萬同胞之骨血訴諸武力寧甘玉碎安忍瓦全南山可移此志不懈邦人君子同此心期臨電馳依佇候明教湖南省議會叩
蒸印

六 湖北致本會爲漢案交涉望戮力一致援助對英外交同志會代電

北京執政府外交部各部院外交委員會湖北旅京同鄉會周少樸陳二庵傅治藩蔣雨岩張乾若彭臨九董堯知諸先生并轉旅京同鄉諸公東交民巷除英使

外各大使公使館各報館各法團天津黎前總統轉旅京同鄉諸公奉天張督辦張家口馮督辦武昌蕭督辦各省區督辦省長都統總司令各鎮守使各師旅長各省議會各法團各報館各湖北同鄉會各學生聯合會各外交後援團體均鑒漢案交涉兩月於茲吾鄂當局前據各法團所提出之交涉條件除本案各條電部辦理外其餘先決各條飭由特派湖北交涉員逕向駐漢英領開誠談判其時英領亦已聲明奉有該國公使命令得於職權範圍內就近協商雙方開會已有七次之多英領之言論態度無一不用其狡展掘強我方據理抗爭曲爲遷就期於實事有濟固不願吹毛以求疵也然英領毫不自覺愈見驕橫突於本月二十日第八次會議席一妄指六月十一日慘被鎗殺之同胞爲暴民力詆賠償傷害爲無理並不俟會議終了拂袖而去是其侮辱我外交官吏即爲蔑視我國家人格本會同人早見及此原擬喚起民衆大備遊行祇以雙方正在開議之際或可得一和平解決之方緩予舉行示以寬大不意英人始終迷信強權無心悔禍漫

無公理兒戲外交本會爲對英敵愾同仇而設睹茲險惡悲憤同深爰即遵照前議召集各界人士公同決定於武昌首義公園內設一湖北各團體籌備水陸大遊行聯合辦事處定期於九月七日同時並舉方城漢水備注精神一方爲經濟絕交之堅決表示一方爲對英宣戰之積極主張回憶辛亥首義之役吾鄂人士爲改革國體伸張民權起見不惜生命財產之重大犧牲而中華民國以成際茲外侮頻仍國權莫保尤當以身許國戢彼兇殘倘不完全達到漢案交涉條件之目的則再爲更大之犧牲非所惜也尙望邦人君子戮力爲援一致主張同聲義憤臨電迫切無任神馳湖北對英外交同志會叩

七 廣東外交代表團致本會爲滬漢案會議望各

省外交代表團
呈日來京開議

代電

各省各特別區各法團各機關各報館均鑒自滬甯青潯漢粵慘案相繼發生外人在我國內地相繼殘殺事發以後所謂滬案會議漢案會議旋開旋閉外交當局畏縮不前吾粵人民確認此種支離會議零碎解決不獨足以助長帝國主義

者之威焰遺害國民抑更足以分裂國基搖動國本用特組織外交代表團北上以喚起羣衆開全國外交代表大會謀各地慘案得根本解決一切不平等條約得永久廢除當離粵伊始曾通電全國鄭重宣言海內同胞想當洞察本團出發以來遍歷滬寧潯武漢鄭汴各地所到之處各界羣衆咸來響應而於組織代表團到京開全國外交代表大會之主張尤予以熱烈之贊助足見反帝國主義之運動已瀰漫於全國而國民外交之勝利行將實現於旦夕然自抵京以後各省代表團報到者尙屬寥寥而滬案重查關會開議之種種惡劣消息紛至沓來苟不全國起來共同努力則不獨不平等條約無廢除之希望被殘害之同胞無雪恥之機會行將見不平等之束縛愈見加多無人道之慘酷永無停止用特再行電達亟盼各省外交代表團早日就道來京開議其未組織者尙望迅速成立外交勝利之日卽政治上軌之時臨電依馳不勝企望之至廣東外交代表團叩

八 河南開封律師公會致本會爲英日巡捕慘殺華人一案祈執政加入協約

對外交當局嚴重抗議以伸國權而平民憤代電

各省督辦省長各師長旅長鎮守使各省議會教育會商會農會工會律師公會各學校學生會教職員聯合會各報館均鑒本日上北京段執政外交部一電文曰北京段執政外交部均鑒此次上海英日巡捕慘殺華人一案全國上下憤慨同深不惟各友邦多數表示同情即彼英日兩國人民亦多有不直該兩國當局之所爲主張公道者方冀公理克伸交涉可望勝利乃英日兩國一味蠻橫毫無悔禍誠意未幾而漢埠英人商團陸隊槍殺華人案繼起矣未幾而九江英日兩國領事館銀行乘我華人遊行之際自行放火希圖嫁禍又見告矣彼英日兩國挾其帝國主義之野心不惜違法背理蔑視人道有加無己是直不以國家視我國不以人類視我民我國人若猶不急起直追合全國上下一致對外我國家將何所立足我國民其何以生存務祈我 執政本前次加入協約毅要參戰之精神督同外交當局繼續嚴重抗議以伸國權而平民憤惟是敝會一得之愚以

爲對於此次事件亟應特別注意者數事敬爲我

執政
鈞部 縷悉陳之（一）此次滬上罷工者已達三十萬人每日生活費須六萬元以

上常此以往繼續頗難應請通令各部署各省長官速籌添設工廠以資消納否則罷工羣衆危機四伏不惟難以持久後患將有不堪謀想者此亟應注意者一

（二）此次事件英日實爲戎首無論罷工罷課罷市以及遊行宣傳經濟絕交全係爲外交後盾應請通令各省切實勸導不惟對於各友邦亟應表示好感即對於英日兩國亦須注意法外行動嚴守秩席否則一有不慎即資他人借口轉爲外交之累此亟應注意者二（三）此次滬上受傷羣衆鎗彈皆由背入英日巡捕無一死傷者顯係任意轟擊毫無理由即漢口九江學生市民亦絕無軌外行動孰曲孰直不難辯明應請通令各省長官及特派員注意調查此等有利証據以爲交涉資料否則空言主張難資折服此亟應注意者三在我無致敗之由英日難狡公理所在終當屈服冒昧直陳伏乞採擇施行無任屏營待命之至河南開

封律師公會叩等語此舉係爲我國家爭國權爲我華民爭人格生死存亡在此一舉謹通電奉聞佇候明教

河南開封律師公會叩

九 北京國憲起草委員會致本會定於八月三日舉行開會式務望貴會提出意見書盼於九月二十日前送到本會電

總商會省議會教育會商會農會律師公會銀行公會并轉各法團均鑒查國民代表會議條例第二條規定各地方方法團得提出關於憲法之意見書於國憲起草委員會等語現在本會委員業經查照臨時執政召集令於八月三日舉行開會式八月八日開始會議茲事體大關係國本深賴衷集衆思蔚成鴻業貴會如有卓見無論關於憲法全部或一部均盼以書面具案提出本會俾資參考而謀採訂惟本會法定起草期間不得逾三個月議事程序極爲繁重貴會提出之意見書尤盼於九月二十前送到本會萬勿逾延是爲至幸專電奉達即希諒察國

憲起草委員會庚

十 本會致留日學生總會爲五九國恥業經電請執政及外交部提出嚴重抗議並希努力爲國珍愛代電

留日學生總會及旅大收回後援會諸君公鑒五九國恥忍痛殊深瞥日東瀛時深憤慨前閱報載

諸君當彼之時舉行紀念身居異國心係鄉邦集衆游行促彼覺悟亦愛國者不得已之行動爲世界各文明國所同許者也乃彼方蔑棄公理妄肆干涉堂堂國旗敢於刦毀烈烈男子敢於濫拘似此強盜行爲能不令人皆裂髮指耶嗣晤代表三君面述當日情狀痛憤之餘轉爲快慰

諸君捐棄一切爭我國光循正軌以制越軌濫捕之暴徒據公理以抗無理蠻橫之強國不屈不辱毫未示弱凡有血氣孰不表深切充分之同情除業經電請執政及外交部提出嚴重抗議外謹此奉慰並希努力爲國珍愛奉天省議會省教

育會總商會省農會律師公會全叩治

十一 本會致北京段執政爲決計擁護張上將軍以資鎮定電

北京段執政鈞鑒民國肇造十有四稔內亂頻仍民生塗炭莽莽神州幾無一片乾淨土矣惟我東省地方四民樂業兵革未驚此實我張上將軍保護之功大有造於吾民也徵諸已往歷史則事實班班可考對外交則不卑不抗因應咸宜東日北俄無或不睦對內政則交通實業次第振興教育前途力謀發展以故人心愛戴無間初終近自蘇浙軍興奉軍西上郭軍長偶因悞會致生變端東省人民固不惶惑若有大亂即現目前者本會等爲人民代表機關深恐羣情浮動擾及治安決計擁護張上將軍以資鎮定敬布腹心維垂察焉奉天省議會省教育會總商會農務總會全叩冬

十二 本會致上海領事團爲對慘案交涉勿偏於一面致傷親善之感情激起軒然大波至於不可收拾電

上海領事團公鑒此次中國學生因表同情於失業苦工英日駐滬官吏非但不加諒解反出此亘古未有之慘殺且繼續而不已此等行爲是不以人類視吾民不以獨立國家待吾國吾民茲忍辱含垢不起而爲正義之交涉恐狠辣陰鷲之手段更層出而不窮夙稔

貴領事團主張人權維持國際何竟對此而默無一言寧任素持侵略政策之帝國主義者蹂躪我國權草管我民命而無忌耶夫世界未至末日公理自在人間萬望

貴領事團對此慘案是其所是非其所非勿偏於一面致傷親善之感情激起軒然大波至於不可收拾中國幸甚世界幸甚奉天省議會省教育會總商會省農會律師公會同叩治印

(甲) 議長議員姓名年歲籍貫表

姓名	次章	年歲	籍貫	通	信	處
范先炬	朗青	四十三	海城	城裏花園胡同本宅		
馮景異	子敬	四十七	瀋陽	京奉路馬三家站郵務代辦所轉靜安堡		
劉慶文	華國	六十五	遼陽	城內東街公義信		
丁春和	桂清	五十九	遼陽	東二道街關東報分社		
劉百泉	升九	五十八	新民	教養局		
胡錦波	筱瑗	五十六	盤山	同興隆		
蔣桂芬	壽之	五十四	鐵嶺	地方儲蓄會		
許春灝	鏡泉	五十四	遼陽	東街增興胡同本宅		
徐晉賢	子聘	五十	錦縣	地方儲蓄會		

奉天省議會報告書 議長議員姓名年歲籍貫表

張成箕	星南	四十九	遼陽	第一民立學校
徐續生	透文	四十九	金縣	大東關圖書館
姜文甲	鼎忱	四十八	瀋陽	大東關華家胡同
楊在中	雲峰	四十八	錦縣	電燈廠
顧天泰	樂民	四十八	海城	八岔溝東順和
孫奉璋	奉璋	四十七	興京	興京縣街女學後大院
田萬生	雨辰	四十七	黑山	新立屯天成永
劉啓庚	曜樞	四十六	昌圖	金家屯商會
張鑫源	穆棠	四十六	復縣	東街福源盛
李程九	多三	四十六	海城	農商儲蓄會

康季封	作民	四十五	開原	城內地方儲蓄公會
李瀚清	子雲	四十五	寬甸	地方儲蓄會
苑清海	袖東	四十五	本溪	仁利泰
彭海樓	鶴亭	四十五	法庫	聚豐糧棧
于長福	錫五	四十四	金縣	東北大學
徐維淮	應宸	四十四	西豐	農務會或地方公款經理處
江蘊深	濬亭	四十三	東豐	農務會
孟慶璋	仲文	四十三	梨樹	地方儲蓄會
馮廣民	子安	四十三	鐵嶺	奉天省教育會
門瑞臨	輯五	四十二	新民	農務會

仇振麟	張正清	李光前	曲江春	任毓潤	康德峻	譚桂榮	李鳳陽	吳連科	高鳳文
化南	正清	向榮	午南	溫璞	宣三	玉亭	維青	慶三	會岐
三十八	三十九	四十	四十	四十一	四十一	四十一	四十一	四十二	四十二
通化	錦縣	海城	輯安	瀋陽	鳳城	莊河	通化	海龍	綏中
南門裏本宅	教育公所	教育會	新開河轉水湖	日站西攬軍屯本宅	信義合或高麗門日升東	廣興德	教育公所	農務會	教育公所

周時中	子君	三十八	莊河	莊河公合同
董毓基	蘊山	三十八	復縣	復縣瓦房店萬餘錢莊
習文華	質誠	三十八	康平	警察所
陳宗胡	恪三	三十七	洮南	洮南地方公欵處
謝雲年	峯亭	三十七	復縣	瓦房店警察三區
張孝友	子仲	三十六	新民	奉天中華書局或老達房四合成轉
張國棟	輔廷	三十六	遼中	奉天大北門裏天合東
宋樹元	梅閣	三十六	昌圖	昌圖北大窪德貴堂宋宅
張效良	亞興	三十六	錦西	錦西商會
陳丕顯	丕顯	三十六	開原	孫家台榮慶長

董秀良	鼓晨	三十五	蓋平	蓋平慶餘成或源豐當轉
遲慶春	煦東	三十五	蓋平	九寨驛同春茂
佟延勛	式忱	三十五	撫順	撫順厚生儲蓄會
陳蔭翹	楚珊	三十五	遼中	遼中于家房義陞恒
尹永祥	瑞符	三十五	柳河	柳河孤山鎮廣增德
趙雨時	雨時	三十四	興城	綏中縣德誠館
張尊五	裕民	三十三	義縣	義縣北街京房胡同張宅
李毓增	鍾山	三十二	西安	西安大德成
胡國玉	堯章	三十二	西安	西安二道河子天益泉
孔昭懿	子範	三十二	安東	安東吉昌永

							邢天祿	壯觀	三十二	蓋平	奉天東北大學蓋平裕興成
							楊慶貴	致和	三十二	瀋陽	<small>奉天大南關下頭軌鞞把胡同路北大門門牌一百八十四號</small>
							羅惠	秀川	三十一	瀋陽	城北雙樓子本宅
							谷峪山	松巒	三十一	懷德	公主嶺交涉局轉
							王悅安	作孚	三十	海龍	縣立中學校
							孫維善	乃剛	二十八	海城	牛莊城永升長
							陳蘭澧	伯恩	二十八	鐵嶺	銀州儲蓄會

奉天省議會報告書
議長議員姓名年歲籍貫表

(乙) 議員職務表

審議長		徐續生	
財政	事	審查長	徐維淮
		理	張孝友
股	事	審查員	李光前
		理	陳陰翹
法	事	審查員	彭海樓
		理	高鳳文
律	事	審查員	胡國玉
		理	遲慶春
股	事	審查員	谷峪山
		理	孟慶璋
政	事	審查員	江蘊琛
		理	劉啓庚
事	事	審查員	張正清
		理	李程九
股	事	審查員	譚桂榮
		理	趙雨時
股	事	審查員	楊在中
		理	陳丕顯
股	事	審查員	張效良
		理	尹永祥
股	事	審查員	于長福
		理	董秀良
股	事	審查員	馮廣民
		理	仇振麟
股	事	審查員	孫維善
		理	周時中
股	事	審查員	康德峻
		理	門瑞臨
股	事	審查員	張國棟
		理	吳連科

請願股	審查長理事審查員	李鳳陽苑清海
懲罰股	審查長理事審查員	姜文甲劉百泉田萬生康季封
王悅安劉慶文	張鑫源	孫奉璋
曲江春李瀚青	董毓基	
陳宗胡	胡錦波	
邢天祿孔昭懿	蔣桂芬謝雲年	

(丙) 各班常駐委員姓名表

張	張	周	王	楊	徐	仇	曲	羅	門
尊	孝	時	悅	慶	續	振	江	瑞	
五	友	中	安	貴	生	麟	春	臨	
馮	苑	劉	李	胡	高	康	徐	謝	
廣	清	百	瀚	國	鳳	季	維	雲	
民	海	泉	青	玉	文	封	淮	年	
陳	趙	孫	楊	李	宋	李	張	邢	
丕	雨	維	在	程	樹	鳳	正	天	
顯	時	善	中	九	元	陽	清	祿	
第一班委員姓名	第二班委員姓名	第三班委員姓名							

胡 許 尹 于 劉 張 康 田 張 顧 江

錦 春 永 長 慶 成 德 萬 國 天 蘊

波 瀚 祥 福 文 箕 峻 生 棟 泰 琛

張 李 李 孫 吳 彭 陳 佟 陳 董 蔣

效 光 毓 奉 連 海 宗 延 瀾 秀 桂

良 前 增 璋 科 樓 胡 勛 澧 良 芬

任 張 谷 遲 譚 孔 丁 劉 徐 姜 孟

毓 鑫 峪 慶 桂 昭 春 啓 晉 文 慶

潤 源 山 春 榮 懿 和 庚 賢 甲 璋

(丁) 秘書廳職員一覽表

職別	姓名	名次	章年	歲	籍貫
秘書長	侯治平	正	修	四十六歲	海城縣
文牘課秘書	孫振甲	致	一	三十四歲	海城縣
議事課秘書	李醒樵	醒	樵	三十九歲	桓仁縣
會計課主任	楊際春	奉	一	三十歲	法庫縣
庶務課主任	趙宗普	佐	亭	四十九歲	海城縣
速記主任	德稜額	達	三	三十八歲	瀋陽縣
速記員	穆達民	蘊	華	三十二歲	錦縣
	傅霽霖	乃	文	三十歲	錦縣
	沈權中	權	中	二十八歲	蓋平縣

司 事	高榮椿	愷	軒	三十八歲	瀋陽縣
副 司 事	秦守銘	執	箴	三十一歲	遼陽縣
一 等 僱 員	唐國治	叔	平	二十四歲	海城縣
	張玉山	子	清	三十八歲	瀋陽縣
二 等 僱 員	郭福景	介	甫	二十四歲	蓋平縣
	韓大和	蔚	蒼	二十四歲	瀋陽縣
	趙延祿	書	閣	二十六歲	遼陽縣
三 等 僱 員	劉殿賢	達	三	二十八歲	瀋陽縣
	舒浹辰	恩	湘	三十四歲	瀋陽縣
	白雲興	奇	峰	二十四歲	撫順縣

奉天省議會第四屆第三次臨時會報告書目錄

議案

甲 議案總表

乙 本會提議案一覽表

原文 咨文 省署咨覆

公文函牘

甲 關於開臨時會文件

乙 關於各省來往函電

甲

奉天省議會第四屆第三次臨時會收集議案數目總表

備考	總計	請議案	提議案	交議案	類別														
					收	集	可	決	否	決	撤	回	緩	議					
	二		二																
	二		二																

奉天省議會第四屆第三次臨時會提議案成績一覽表

可

決

制憲籌備處提議編製制憲預算案

張正清
趙雨時
高鳳文
田萬生

提議綏中興城錦縣北鎮黑山及其他戰區各縣兵災奇重十四年

分錢糧分別減免其清賦暨催收陳欠亦應一律緩辦以蘇民困案

備

計提議案可決者二案

考

奉天省議會報告 制憲預算案

一 制憲籌備處編製制憲預算案 原文 咨文 省署咨覆

奉天省制憲籌備處辦理中華民國十四年全年度省地方支付預算書

支出經常門

科目	全年	年度預算數	備考
第一款本處經費	三三、四〇八、〇〇〇		
第一項俸給	一二、二一六、〇〇〇		
第一目旅膳費	七、二六〇、〇〇〇		
第一節 <small>籌備員旅費</small>	六六〇、〇〇〇		內十一人每人支六十元以一次計算
第二節膳費	六、六〇〇、〇〇〇		內十一人每人每月支五十元以十二個月計算
第二目薪工	四、九五六、〇〇〇		
第一節秘書	一、二〇〇、〇〇〇		內一人月支百元以十二個月計算

第二節司事	一、四四〇、〇〇〇	內四人月各支三十元以十二個月計算 內四人總務文書會計庶務每股各一人
第三節僱員	一、六五六〇〇〇	內六人一等二人月各支二十五元二等 四人月各支二十二元以十二個月計算
第四節夫役	六六〇〇〇〇	內五人月各支十一元以十二個月計算
第二項辦公費	七、一二二〇〇〇	
第一目文具	一、九八〇〇〇〇	
第一節紙張	九六〇〇〇〇	內月支八十元以十二個月計算
第二節冊、簿	二四〇〇〇〇	內月支二十元以十二個月計算
第三節刊刻	六〇〇〇〇〇	內月支五元以十二個月計算
第四節印刷	七二〇〇〇〇	內月支六十元以十二個月計算
第二目購置	六〇〇〇〇〇	

第一節報	紙	六〇〇〇〇		內月支五元以十二月計算
第三目郵	電	三、〇〇〇〇		
第一節郵	費	六〇〇〇〇		內月支五十元以十二月計算
第二節電	報	二、四〇〇〇		內月支二百元以十二月計算
第四目消	耗	二、〇七一		
第一節茶	水	一六二〇〇〇		內二十七人每人每月支五角以十二月計算
第二節電	燈	六〇〇〇〇		內月支五十元以十二月計算
第三節炕	火	八一〇〇〇		內二十七人每人月支六元以十二月計算
第四節爐	煤	五〇〇〇〇		洋爐十座每座月支十元以五個月計算
第三項雜	費	三、〇八〇〇〇		

第一目接待費	八〇〇〇〇〇	
第一節接待費	八〇〇〇〇〇	內歡迎各友團聯合各團體會及招待來賓等項每次四百元以二次計算
第二目雜文	二、二八〇〇〇〇	
第一節雜品	一、八〇〇〇〇〇	內月支一百五十元以十二個月計算
第二節雜項	四八〇〇〇〇	內月支四十元以十二個月計算
以上統計地方歲出經常費共大洋貳萬貳仟肆百零捌元		

支出臨時門

科	目	全年	度	預	算	數	備	考
第一欸	制憲法籌備處臨時經費	三三、六九〇	〇	〇	〇	〇		
第一項	川資膳費	三〇、七三〇	〇	〇	〇	〇		
第一目	川資	七、七四〇	〇	〇	〇	〇		
第一節	起草員審查員	七、七四〇	〇	〇	〇	〇	內一百二十九人每人川資六十元以一次計算	
第二目	膳費	二一、九八〇	〇	〇	〇	〇	內二十五人每人日各支三元以一百天計算	
第一節	起草員	七、五〇〇	〇	〇	〇	〇	內一百零四人每人日各支三元以四十天計算	
第二節	審查員	二、四八〇	〇	〇	〇	〇		
第三節	顧問	二、〇〇〇	〇	〇	〇	〇	擬延聘二十人各支車馬費一百元以一次計算	

第三目薪	水	八五〇〇〇〇		
第一節速	記	四五〇〇〇〇		內三人每人日各支一元五角以一百天計算
第二節僱	員	四〇〇〇〇〇		內五人每人日各支八角以一百天計算
第四目工	資	一六〇〇〇〇		
第一節夫	役	一六〇〇〇〇		內四人每人日各支四角以一百天計算
第二項辦公費		一、三六〇〇〇〇		
第一目文	具	一、三六〇〇〇〇		
第一節紙	張	四〇〇〇〇〇		內日支一角以一百天計算
第二節冊	簿	二〇〇〇〇〇		內日支二角以一百天計算
第三節筆	墨	一〇〇〇〇〇		內日支一元以一百天計算

第四節報告草案	一、二〇〇〇〇〇〇	內二千四百本每本五角共支一千二百元以一次計算
第三項雜費	一、六〇〇〇〇〇	
第一目雜費	一、六〇〇〇〇〇	
第一節接待費	一、三〇〇〇〇〇	內起草員開會時支八百元審查員開會時支五百元均各以一次計算
第二節茶水	三〇〇〇〇〇	內月支三元以一百天計算
以上統計地方歲出臨時費共大洋共大洋三萬三千六百九十元		
以上統計二款經常臨時兩費共大洋五萬六千零九十八元		

奉天省議會報告書
省地方支付預算案

張正清

二

趙兩時
高鳳文
田萬生

提議綏中興城錦縣北鎮黑山及其他戰區各縣兵災奇重十

四年分錢糧分別減免其清賦暨催收陳欠亦應一律緩辦以蘇民困案

奉天省議會爲咨行事本會依省議會暫行法第十六條第九項之規定建議綏

中興城錦縣北鎮黑山及其他各戰區各縣兵災奇重十四年分錢糧分別減免

其清賦暨催收陳欠亦應一律緩辦以蘇民困一案爰于十五年一月二十九日

正會提出討論衆議僉同業經表決通過相應繕具建議理由清摺咨請

貴公署查照施行此咨

奉天省長公署

附建議理由清摺一扣

中華民國十五年二月 日

茲將建議綏中興城錦縣北鎮黑山及其他戰區各縣兵災奇重十四年分錢糧分別減免其清賦暨催收陳欠亦應一律緩辦以蘇民困案之理由列左

查此次軍興以來綏中興城錦縣北鎮黑山及其他各縣地處戰區損失奇重瘡痍滿目十室九空據最近切實調查該戰區等縣餓殍載途哀鴻遍野冰天雪地之中蕩析離居之苦觸目傷心不堪言狀各地現正籌畫賑濟稍救目前惟時值開徵各縣知事以錢糧爲省庫正供有關考成而催收陳欠辦理清賦踵事奉行照例徵比各縣人民當此浩劫餘生完納則力有未逮規避則逋逃無方仰屋興嗟延頸待斃夫錢糧雖關省入而人民實爲邦本似此空前之浩劫自應受特別之撫卹擬咨請省署將戰區各縣十四年分錢糧分別減免所有各戶陳欠暫緩催傳在省庫不過略減收入在人民即可稍解倒懸並於免賦期間而清賦亦應展緩俟元氣恢復後再酌事進行此本會建議此案之理由也

(甲) 關於臨時會開閉會文件

一 咨報省長本會於一月十八日舉行第四屆第三次臨時會開會式

請咨部備案文

奉天省議會爲咨行事查本會第四屆第二次常年會業於十二月二十八日期滿依法閉會當經咨報在案頃因時勢所趨發生要事急待解決定於一月十八日續開第四屆第三次臨時會以便開議而資進行除逕行函達併登報通知外相應咨請

貴公署查照轉知併予備案至紉公誼此致

奉天省長公署

中華民國十五年一月十五日

二 本會致各省省議會於一月十八日開第四屆第三次臨時會函

逕啓者本會頃因要事發生亟待解決定於一月十八日召集第三次臨時會以

資解決除咨報並分函外特此奉聞此致

各省省議會

中華民國十五年一月十五日

三 致蒙古特派員爲本會於一月十八日開第四屆第三次臨時會請蒞會函
逕啟者 本會 定於一月十八日上午十一時開第四屆第三次臨時會除咨請省
長依法召集外應請

台端屆期蒞會藉承

指示無任盼禱專肅順頌

台祺此致

先生

中華民國十五年一月十五日

四 咨省長爲本會第四屆第三次臨時會於二月六日依法閉會請查照備案

文

奉天省議會爲咨行事查省議會暫行法第二十三條載臨時會自一月十八日期至多不得逾三十日等語本會第四屆第三次臨時會開會起扣至二月六日爲二十日應議案件已竣自應閉會以符會法應咨請

貴省長查照備案此咨

奉天省長公署

中華民國十五年二月八日

五 致各省省議會爲本會第四屆第三次臨時會於二月六日閉會特此奉聞

函

逕啟者 敝會第四屆第三次臨時會業於二月六日閉會除咨報並分函外特此奉聞此致
各省省議會

中華民國十五年二月八日

乙 關於各省來往函電

一 湖南省教育會代電爲泣告全國同胞各息鬩牆之爭一致對外勿稍姑容
文

各省軍政長官各公法團各名流各報館均鑒中原多故變亂頻仍人禍天災方興未艾哀哀浩劫雖由同室操戈所致而窮其原因靡不由外力之暗中侵略以延長中國之內亂近復愈演愈烈東鄰日本竟公然明目張膽進兵奉天國人若不早自醒悟恐大好河山將悉受外人馬蹄之蹂躪共和五族將無棲息之餘地本會懼亡之念刻繫於心對於一切外人侵略均所極端反對而日本之狡黠行爲尤屬萬難容忍用特通電全國泣告同胞各息鬩牆之爭共懷亡國之禍一致對外勿稍姑容爲虎作張與衆共棄庶幾石敬瑭吳三桂之痛史不再見於中華也臨電憤激毋任主臣湖南省教育會叩東

二 中華民國全國省議會聯合會代電爲各國遣派代委員調查司法狀況政
府以全權地位參與調查有損國體文

北京段執政各部院各省軍民長官各省省議會各法團各報館暨全國父老昆
季均鑒此次各國根據華府條約遣派委員來華調查吾國司法狀況吾國遂乘
此商請召集法權會議意在擴充範圍即就此項會議解決收回法權之程序手
續詎各國所派委員僅授以調查報告之職權並未加以全權代表之名義故開
會之初各國代表聲明非同國際會議堅持無庸推所在國代表充當會長吾國
法長遂僅得一名舉會長而已則今所謂之法權會議實爲調查司法制度之會
議毫無疑義矣抑知調查司法爲一事法權會議又爲一事決不能混而爲一各
國因不信任我國司法製度派員來華調查已屬我國有失體面之事政府縱爲
亟圖解決委曲求全起見亦至多派員招待指導聊盡地主之誼斷無特派大員
參加調查之理乃聞政府竟派代表以全權地位參與調查考論得失殊屬損失

國體貽笑友邦謂政府現正分電各國力請加派全權代表則在各國未經加派以前我國代表亦不應以全權名義列席會議事關國體豈容玩忽政府既鑄錯於前國人應糾正於後本會爲全國民意所寄不得不提起國人之注意一我國司法自主爲世界公理所賦與華約原則所認許本無協議同意之必要各國今既派遣代表來華又多司法專家應請政府商促各國一律加以全權責任卽行召集法權國際會議互商收回法權之程序手續訂定施行以符華約原則之精神而敦國際相互之情感一在各國未經加派全權之前應請政府內對國民外對各國鄭重聲明中國代表係暫以委員地位指導一切俟開法權國際會議再以全權名義參加列席至原派之全權代表無庸明令撤銷恐啓外人以放棄之誤會一將來召集法權會議會長一席應援照外交慣例推所在國代表充當以重主權上述三端於將來收回法權具有莫大關係特電奉告幸亟圖之中華民國全國省議會聯合會宥印

三 章炳麟代電爲中東路局以扣車事件其間難免無主使之請宜固守疆域戮力北征討伐漢奸使敵人失助文

奉天省議會兼轉三省各法團鑒中東路以扣車事件拘捕局長伊萬諾夫俄人藉口路權致欲自行辦理按中東路爲中俄共有局長即兼爲中國之職員車費小故阻撓軍事行爲以便宜拘捕不爲過富惟俄人以小小釁端遽懷侵略其間難免無主使之人查馮玉祥素媚蘇俄蹤跡具在此次下野明知其別有所圖適會關東進收淪關馮以戰敗之師自圖防禦挺而走險安知其不旁引外寇以相牽制近觀段氏政府大都馮氏之僱員閣議欲引馮再起則知聯俄作寇事在不疑將來危國家豈獨東三省受其侵軼而已三省既以自治標名淪關已收疆圍無缺即應慎固封守不再進取惟以全力抵禦蘇俄爲保國保疆之計若計出兩歧必無以應敵矣至于中原將帥近至直魯遠及江南當國基搖動之時悉宜戮力北征共除赤化蓋爲患邊疆者蘇俄而延致蘇俄者馮氏非討伐漢奸何以使

敵人失助民黨同志亦有爲馮用者亟應色斯高舉勿涉亂流當念光復中華成立民國本以艱難辛苦得之豈可輸致蘇俄不稍顧惜不惜國家傾覆身被污染以此國傾覆動而爲桑維翰洪承疇之疇續內疚神明豈不過于餘子敬爲將伯之呼且作無衣之詠凡在含識宜共鑒裁章炳麟有

